

元始无量度人上品妙經卷之四十五

解禳山谷瘴癘品

道言昔於浩舒天中遂碧幽歌大神樂土受元始度人解禳山谷瘴癘妙品元始天尊當說是經周迴十過以召十方始當詣座天真大神上聖高尊妙行真人大小山谷仙官主宰十方國土列嶽羣仙溪谷泉源鬼神令長直年方域行瘴爲癘神官曹屬部隸攸司无鞅數眾乘空而來從山現出紫輶碧輿飛雲暉映寶輪羽蓋扶華垂蔭流明玉光千色蓬勃朗耀玄虛七日七夜諸天日月星宿樞衡玉關駐景停輪神風靜默山谷藏雲天鑑鮮瑩和氣八騫一國地土山川林木繩平一等无復高下土道藏輯要

度人妙經

卷

九集二

皆作藥珠含碧溫明之玉无有異色眾真侍座元始天尊玄坐空浮九靈夜光萬峰承景瓊臺之上說經一徧諸天大聖同時稱善是時三萬六千山嶽一時開明說經二徧玄霜灑空靈芝盤鬱說經三徧祥烟普覆巖竇生香說經四徧世境肅清山雲吐秀說經五徧龍光照海天寶凝華說經六徧道炁昭蘇羣生怡悅說經七徧鬼魔潛伏瘴癘捐消說經八徧天谷虛玄神烟鬱藹說經九徧玉真俯應妙瑞告玄說經十徧化洽窮夷天人稱歎是時一國是男是女莫不傾心皆受護度咸得長生

道言是時元始天尊說經一徧東方真賢世界无極國土解禳山谷瘴癘大神无鞅之眾升空而至說經二徧南方慧觀世界

无極國土解禳山谷瘴癘大神无鞅之眾升空而至說經三徧
西方定仙世界无極國土解禳山谷瘴癘大神无鞅數眾升空
而至說經四徧北方常善世界无極國土解禳山谷瘴癘大神
无鞅之眾升空而至說經五徧東北明微世界无極國土解禳
山谷瘴癘大神无鞅之眾升空而至說經六徧東南靈德世界
无極國土解禳山谷瘴癘大神无鞅之眾升空而至說經七徧
西南海靜世界无極國土解禳山谷瘴癘大神无鞅之眾升空
而至說經八徧西北元皇世界无極國土解禳山谷瘴癘大神
无鞅之眾升空而至說經九徧上方洞虛世界无極國土解禳
山谷瘴癘大神无鞅之眾升空而至說經十徧下方通光世界

道藏輯要

度人妙經

卷

九集二

无極國土解禳山谷瘴癘大神无鞅之眾升空而至十徧周竟
十方世界无極國土解禳山谷瘴癘大神一時同至一國男女
傾心歸仰求請天尊以大慈力普爲下元十方世界无極生類
解禳山谷瘴癘保命全形演說普天山嶽洞谷幽墟有諸鬼神
藏匿遊泊與諸惡毒御命之眾聚結黨屬施行毒炁瘴癘生民
元始神文收攝解除毒害永消是時仙真來者雲集雨飛駢羅
圍繞无鞅之眾迨國一半土皆徧陷非可禁止於是元始凝眸
垂盼遐覽國土緩振玉音徧告大眾混黃立極萬象同生故有
三萬六千天地三萬六千日月又有大三千世界中三千世界
小三千世界一一世界各有種類以分族緒三萬六千山谷處

諸世界次二萬三千山谷一萬一千山谷一千二百山谷三百六十山谷以爲天地世界緒澮數澤山谷之炁化生毒酷醜惡蛇蠍大小之蟲乘其炁炁噓吐成烟毒霧蔽蒙觸冒世間世間男女依近山谷呼吸飲吞納受其邪構爲瘴癘以至夭傷徧殆境邑我以法慧出示神符解禳之法使世間生民獲養安和修行得道大眾稱讚各願聽聞

元始旣興妙教懸一寶珠大如黍米在空玄之中去地五丈元始登引天真大神上聖高尊妙行真人十方无極世界國土解禳山谷瘴癘大神无軼數眾俱入寶珠之中天人仰看惟見勃勃從珠口中入旣入珠口不知所在國人廓散地還平正无復

道藏輯要

度人妙經

卷

九集二

欽陷元始卽於寶珠之內說經都竟眾眞監度以授於我當此之時喜慶難言法事粗悉諸天復位倏歛之間寂无遺響是時天人遇值經法普得濟度全其本年无有中傷領土歸仰咸行善心不邪不妄不恣不逸不驕不矜不詭不隨不誑不惑言止淳正體貌雍容齊同安泰異骨同親國安民康欣樂太年經始出教一國以道預有至誠宗奉禮敬皆得度世

道言元始天尊說經中所言並是諸天上帝內名隱韻之音亦是眞王內諱解禳山谷瘴癘百靈之隱名也非世之常辭上聖已成眞人通玄究微禁赦山谷行瘴爲癘毒惡鬼神解脫禍因厭禳疾害保濟生民能悉其章誦之十過諸天遙囑北帝設禮

鬼神攝毒山谷藏雲瘴癘不行兆民清安羣魔束形鬼精滅爽
回屍起死白骨成人至學之士誦之十過則五帝侍衛三界稽
首魔精喪眼鬼祿滅爽濟度垂死絕而得生所以爾者學士棲
真山谷與道玄同不假解禳自无瘴癘若穢氣未消體未洞真
以制十方威未制天政德可伏御地祇束縛魔靈解禳瘴癘存
救世人但卻疾而已不能長生輕誦此章身則被殃供養尊禮
門戶興隆世世昌熾與善因緣萬災不干神明護門斯經尊妙
福慧自然度人无量爲濟物之宗巍巍大範德難可勝

道言凡誦是經十過十方解禳山谷瘴癘大神齊到毒惡之炁
大小蟲蝮噴吐惡烟染害生民殘傷物命誦此洞文瘴癘消滅

道藏輯要

度人妙經

卷

九集二

十方山谷總屬瘴癘之神有七仙童子奏事童子十二年王七
十二侯統瘟癘仙師掌病仙母主瘴癘歐陽神君華仙郭師君
張師君鍾師君李師君白師君統兵行瘴病鬼帥邵侯欽聞帝
勅急爲收攝毒炁山谷惡精解謝積世傳注禳辟災咎立離兆
身長生降真福祿永年清淨通靈眾神護衛如符所勅病炁蠲
釋而好學至經功滿德就皆得神仙飛昇金闕遊宴玉京也上
學之士修誦是經山谷之邪世間瘟疫不敢爲害神炁充全皆
卽受度飛昇南宮世人受誦則延壽長年後皆得作尸解之道
魂神蹇滅不經地獄卽得返形遊行太空此經微妙普度无窮
一切天人莫不受慶无量之福生死蒙惠上天所寶不傳下世

至士齋金寶效心盟天而傳輕泄漏慢殃及九祖長役鬼官侍經五帝玉童玉女各二十四人營衛神文保護受經者身

道言正月長齋誦詠是經解禳春夏山谷瘴癘不得染注生人爲上世亡魂斷地逮役度上南宮七月長齋誦詠是經解禳秋行山谷瘴癘不得染注生人身得神仙諸天書名黃錄白簡削苑上生十月長齋誦詠是經解禳冬行山谷瘴癘不得染注生人爲國主帝主安鎮國祚保天長存世世不絕常爲人君安鎮其方民稱太平八節之日誦詠是經解禳時行山谷瘴癘不得染注生人得爲九宮真人本命之日誦詠是經解禳山谷瘴癘不得於本命刑害衝破死敗之日染傳毒炁殃注兆身魂神澄

道藏輯要

度人妙經

卷一

亢集二

正萬炁長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐青絳黃三色雲氣之中內外翕冥有青龍白虎朱雀玄武獅子白鶴羅列左右日月照明洞煥室內解禳大神侍衛畢至頂生圓象光映十方如此分明密咒曰

無上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啟所言今日吉慶長齋清堂修行至經無量度人願所啟上徹徑御

无上三十二天元始上帝至尊几前畢
引炁三十二過東向誦經

道藏輯要

度人妙經

卷三

九集二
川文

正一天師清微弟子共百堅製作

道教學術資訊網站

元始无量度人上品妙經

元始洞玄靈寶本章解禳山谷瘴癘妙品十方度人勅魔隱韻
冥合自然真炁妙祖虛无上玄元始之炁寶液凝華植立天地
山嶽洞宮棲烈萬神握御元綱經營造化順育生靈陰陽乖沴
生積妖雲毒精結體以造魔羣虵蛇巨蝮癘鬼之精八山四嶽
隱穴幽墟乘其正炁騰化邪氛肆其酷毒傷害黎民爲瘴爲癘
无以蕩除靈寶上道洞玄真文攝召統制永保肅清无文不光
无文不明无文不立无文不成无文不度无文不生是爲大梵
神妙之機鬱羅蕭臺玉山上京上極无上大羅玉清渺渺劫刃
若亡若存二華離便大有妙庭金闕玉房森羅淨靈幹旋大紐

道藏輯要

度人妙經

卷三

九集二

範圍十方中有解禳山谷瘴癘之神中有清淨萬福天君中有
衛世吉祥大神中有无極保命丈人中有南上蕩妖滅注延壽
益算度厄尊神迴骸起死无量度人今日校錄諸天臨軒
東方无極攝毒神王長生大聖无量度人
南方无極葆真神王長生大聖无量度人
西方无極破邪神王長生大聖无量度人
北方无極靜天神王長生大聖无量度人
東北无極辟禍神王長生大聖无量度人
東南无極祛瘴神王長生大聖无量度人
西南无極消癘神王長生大聖无量度人

西北无極制妖神王長生大聖无量度人
上方无極固命神王長生大聖无量度人
下方无極護身神王長生大聖无量度人

十方解禳山谷瘴癘神王長生度世无量大神並乘寶雲紫琳
玉輦碧鳳神輿絳幘雕輪驂駕玄虎五色黃龍建九天之節八
素靈幡前嘯洞章齊唱後歌隱韻同音獅子白鶴嘯歌噫噫仙
卿啟途五老翼轅億乘萬騎浮空而來傾光回駕監真度世九
地上皇五嶽上公九州社令四瀆神王解禳瘴癘疾厄大神執
籙把籍齊到帝前隨所應度嚴校諸天普告三界无極神鄉山
谷之府四面八方三萬六千大小之山潛穴幽谷巖壑溪源上
道藏輯要

度人妙經

書

九集二
川人

解鬱伏五行不正之炁寒溫乖沴之邪違合鬼異蒸發雲烟隨
人呼吸傷害間關外薄肌膚侵擾內真寒如水凜熱如火燔形
負萬苦神意哀冤急爲禳除速付三官不得怠縱逼合生靈元
始符命敢有稽延天師將吏部衛形魂勿使惡毒枉致暴殘普
世蒙惠福慶自然生身受度劫劫長存永无災患與天齊年過
度三災五苦八難超凌三界逍遙上清上清之天天帝玄真无
色之境梵行

東方八天

螭明通化天

帝景齊文

普曜絕真天

帝昌嘉久隆

生開悅感思皇天

帝曜正尊

洞空濟澤昭隨天

帝驕持屍危

奔中理神淨化天

帝論祁允多

虛德紀章天

帝保眞自宜

道思欸玄天

帝覺子湘

獻迪蒙示天

帝伯越師昂

南方八天

玉除正強天

帝班何子卿

果寂思微天

帝道伯靈

都璣明玄講化天

帝玉賢公梁

道藏輯要

度人妙經

卷

九集一

章化夷德天

帝滋季師明

慧觀曜空天

帝勅雷九莊

太微妙宗極義天

帝延岐保靈

端靖存華天

帝尙孝恭

仙厯總眞平功天

帝仲玦宜坤

西方八天

濬玄眞和天

帝黃聿慈

太上變炁天

帝諒伯上玄

辭化舉仙天

帝千梁曜

角道生光天

帝湛局羅強

梵寶招靈用修天

帝確覺真

鬱淵景慶天

帝鎮微次霞

叢陽絳英天

帝高玄陽

瓊度力房天

帝正虞兆先

北方八天

玄靈七真天

帝班序正析

慶玄宛縮天

帝魯方躋騫

校靈議滔天

帝澤路龍符

斗籍變魂升真天

帝優管黨無

保仙順解理明天

帝混道開

道藏輯要

度人妙經

美

九集二

初皇元首玉機天

帝賢資漸容

八道隱玄藏微天

帝朝侯左還

太素龍景逸王天

帝烈修洞休

三十二天三十二帝諸天隱諱諸天隱名天中空洞自然靈章
諸天隱韻天中之音天中之尊天中之神天中大魔天中之靈
九和十合變化上清无量之奧深不可詳敷落神真普度天人
今日解禳瘴癘擒攝妖氛請消殃怪誅伐禍根削除疾橫上奏
玉玄真王護度塞絕死門東皇馘毒西帝錄精北君淨穢南真
衛形中皇太一司領化權調運正炁蕩辟魔烟青帝布和白帝
安肅赤帝激爰黑帝潤澤黃帝總生无今天關青山魔王拘飛

運格赤山魔王擊殃禦惡白山魔王鋒揮巨勃黑山魔王撫烈
捍戟黃山魔王董威利翼五山大魔王攝毒之神各司將吏億萬
之兵操戈揚麾祛掃不祥拱輔玄化與道齊功上天度人奕闡
真風神姦不作妙化澄清萬種孽類肅殺成塵黑溪曠野下逮
幽陰夔魑魍魅血食之賓奮鼓祆力乘負邪津流鈴震腦金鉞
戮形元始告命敢有稽停癘魔喪迹瘴毒滅氛三官北酆明檢
鬼營不得容隱金馬驛呈普告无窮萬神咸聽三界五帝列言
上清


道藏輯要

度人妙經

卷

亢集二
1101

辟山谷瘴癘佩帶符絳囊盛朱書白素土男女大小通用



朱書辟山谷瘴癘貼臥處

朱書辟山谷瘴癘貼臥處

道藏輯要

度人妙經

夷

亢集二


八十一

朱書辟山谷瘴癘作小丸煎桃柳湯望東南吞服日三次

病寒燒灰服

朱書辟山谷瘴癘作小丸煎桃柳湯望東南吞服日三次

朱書辟山谷瘴癘解穢符安水孟中



道藏輯要

度人妙經

堯

元集二
川上三

天元之始萬劫之先渺渺祖劫混沌玄黃凝精結育融植乾坤
陰陽升降四序推行中有沴炁化成毒精毒精之母號曰柏仙
噓炁焦木吸潤枯泉造爲瘴癘冥晦遊天形爲莽鳥九頭相連
聲如啼呱周行八山人觸其形病注羸孱天寶妙帝鎮伏邪源
號曰赤靈被丹巾金威用无邊救護世人摧敗強殍召迎冲炁
安輯元元太平開圖運度自然元始安鎮敷落五篇赤書玉字
八威龍文保制病魔使命長存封山禁谷瘴癘不生梵炁彌羅
萬範開張元綱流演三十二天輪轉无色周回十方旋鬼厯心
迴度八山三十六洞總炁上元八景冥合炁入三玄玄中太皇
上帝高真汎景紫雲嘯詠洞章金真朗郁流響雲營玉符攝炁

徊風聚烟紫虛鬱秀輔翼萬仙巨山神獸金虎攫天啖食瘡癘
冲和自然天地康泰和合歸真真中有神青華帝君太始青炁
來降下元兆民長生病无毒艱仙卿輔相真妃侍軒叔火玄父
擁衛華晨執符把籙保命生根上遊上清出入雲房八冥之內
細微之中下鎮人身泥丸絳宮中理五炁混合百神十轉回靈
萬炁齊仙仙道貴生无量度人地戶天門日車月輪隨道正炁
救病得生山谷惡注禳解永蠲保度得生上聞諸天諸天之上
各有生門中有空洞謠歌之章真王靈篇妙化玉文

第一解禳山谷瘡癘之音

高上渺渺

神用无涯

御正炁兮

道藏輯要

度人妙經

全

元集二
山六十一

蠲蕩百邪

正炁衛生

邪正酷殘

魔毒既滅迹

怪孽熄其源

妖氛害我真

乖沴相纏綿

消魔玉清王

妙範卻百癘

靈音鎮山岳

琅琅招太和

散攝禍根源

瘡癘亦无餘

噫嗟爾兆身

未識玄中歌

天橫喪其軀

哀冤將奈何

不遇空洞音

焉能脫世羅

第二解禳靈威之章

四炁无騫

萬禍滅連

瘡癘毒妖

鬼莽邪烟

神符驅旬

威爐輝煌

諸天大聖

總御騰驤

握鈴儀節

掃絕不祥

肅清十界

氛穢除蠲

遠殃疾子

安泰自然

身度此難

无量立恩

此其樂兮

賴我生存

和熙蕩蕩

與道合真

靈寶上法

元始玉文

无所不禳

无所不解

保度无窮

爲世津梁

恐爾未悟

設此歌章

第三解禳降真招靈歌曰

朗朗高晨

煥耀玉都

布令千真

道藏輯要

度人妙經

全

亢集二

總統萬魔

神金虛章

制召眾靈

部衛世化

闡我明科

有崇我教

遂保長年

災橫莫干

宴賜无虞

上聖哀憐

出此玉書

消除苦毒

我道不愆

正道好生

邪道天殘

遵我正道

以合我真

正道常固

疾禍无侵

若不知此道

何以感百神

神威鎮八方

上德長日新

此三界之上飛空之中真王歌音音參洞章誦之百遍瘴孽消除誦之千遍邪癘不生萬遍道備普護長年過度三界位列仙

真有聞靈音五嶽衛形敕制地祇侍衛送迎拔出禍難解禳不祥七祖升遷永離北山魂度朱陵受鍊更生是謂死量普度无窮有祕上天文諸天其所崇泄慢墮地獄禍及七祖翁

道言此二章並是諸天上帝及至靈真王隱祕之音解禳山谷之邪合雜鬼神異惡蟲蠱四時不常之炁以爲瘴癘輕病一家重疫一鄉州城聚落以至天下上聖哀憫出顯符章解禳之法救護生民皆是大梵之言非世上常辭言无韻麗曲无華宛故謂立輿難可尋詳上天所寶祕於神霄玉清王府東華經室歲厯壬辰應運下傳若有至人齋金寶質心依舊格告盟真王然後而付焉

道藏輯要

度人妙經

全

九集二

道言夫山谷之炁險易不同高下不等寒濕不均炁之所至先後不時高則多寒下則多濕溫蟲不蟄流水不冰毒蛇異物乘炁鼓邪金石燥濕鬱蒸成煙游魂癘鬼浮行其間觸冒生人以爲疾患上聖神人示以解禳二法若病炁方熾并邑流行則宜淨心修齋行香服佩符章以解之又以朱書大梵隱語燒灰著清水之中徧令飲之无不甯息若歲炁失宜或涉履山谷預爲禳備之法則於所居之方爲壇醮祭十二年壬山谷行病五方天使邵侯神君內外施符五方安瓶以桃柳香艾竹葉煎水貯於餅內大小隨時飲之或以沐浴又以大梵隱文朱書隨方安之卽瘴癘消散鄉邑乂安六時行香十徧轉經福德立降消諸

不祥无量之文普度无窮

道言夫末學道淺或仙品未充誤遭瘴癘失於解禳運應滅度身經太陰臨過之時同學至人爲其行香誦經十過以度屍形如法魂神逕上南宮隨其學功計日而得更生轉輪不惑便得神仙

道言夫陰陽乖否亦當修齋行香誦經瘴癘爲愆疫毒流行亦當修齋行香誦經妖靈肆酷擾害生民亦當修齋行香誦經破除陰怪侵犯正真亦當修齋行香誦經召集吉祥安鎮家門亦當修齋行香誦經夫齋戒誦經功德甚重上消天災下禳毒害以度兆民生死受賴其福難勝故曰无量普度天人

道藏輯要

度人妙經

全

九集二

道言凡有是經能爲一切兆民行是功德有災之日發心修齋燒香誦經十過皆諸天記名萬神侍衛右別至人尅得爲聖君金闕之臣諸天記人功過毫分无失天中真王亦保舉爾身得道者乃當洞明至言也

諸天中大梵隱語无量之音 道君撰

元始靈書解禳山谷瘴癘玉篇

東方八天

桓精山佳

鵬雲穴狸

董猶虺蛛

殺真乾雷

桃鬼枯柳

月芝渠師

遁寂胡蜚

馬符螻非

剪沙巖畜

處蜺流丹

土螭罔剛

遙文敕植

化感夢仙

趙邵總靈

氣淘海區

性遂時凝

南方八天

社侯伯元

南府三師

勉凶移毒

老父溪龍

嶠鉤璉俞

佐閑池蒙

攝命符令

轉火奔風

屍牢鎖伏

太空極雄

依出恍成

化石廣功

操枝運靈

察景殺童

道遊天霞

敕岸已春

道藏輯要

度人妙經

西方八天

崔杜監驅

急攝縞女

秦蘭內垂

幽寶竟東

育典秋聖

欽持決容

茂果逸回

汶靈褒中

馬玄離逐

雲鄉耿漢

殿合建孤

明璫敏神

昆盧蒼機

淪藻品味

靜獨荒詛

走阮夷陵

北方八天

眞勃陀婁

燄珠擎門

左太皇晨

牛奎浮瓊

去害子仙

羅聰變玄

波霽充石

何庚竊宣

司饑鄭侯

錄刺檢修

泉合洞譏

赤天瀛由

定驛遣毒

斬截橫鉤

犯洛憂明

豐官蟬旒

道言此諸天中大梵隱語无量之音舊文刻書闕風玄臺以卻
萬惡不惟解禳山谷瘴癘一切邪病鬼神爲害依法救之无不
立驗字皆廣長一丈天真皇人昔書其文以爲正音有知其音
能齋而誦之者諸天皆遣十方神王下觀其身書其功勤上奏
諸天萬神朝禮地祇侍門流傳此經普救世人治病除邪消卻
禍災大勳眞王保舉上清道備尅得遊行三界升入金門此音
道藏輯要

度人妙經

金

九集二
川百文

无所不辟无所不禳无所不度无所不成天真自然之音也故
誦之致十方下觀上帝遙唱萬神朝禮三界侍軒羣妖束首鬼
精自亡琳琅振響十方肅清河海靜默山岳吞烟萬靈振伏招
集羣仙天无氛穢地无妖塵冥慧洞清大量玄玄也